
INTERNACIONALNI UNIVERZITET TRAVNIK



INTERNATIONAL UNIVERSITY TRAVNIK

P R A V I L N I K
O NOSTRIFIKACIJI DIPLOMA I EKVIVALENCIJI
JAVNIH ŠKOLSKIH ISPRAVA

Travnik, januar 2015.godina

Na osnovu člana 64. tačka d) Zakona o visokom obrazovanju („Službene novine Srednjobosanskog kantona“, broj 4/13) i člana 178. Statuta Internacionalnog Univerziteta Travnik, u Travniku, broj:33-02/14 od 15.12.2014.godine, Senat na sjednici održanoj dana 06.01.2015.godine donosi slijedeći:

P R A V I L N I K
O NOSTRIFIKACIJI DIPLOMA I EKVIVALENCIJI
JAVNIH ŠKOLSKIH ISPRAVA

I OPĆE ODREDBE

Član 1.

Ovim Pravilnikom uređuju se uvjeti, način, postupak i subjekti provođenja postupka nostrifikacije i ekvivalencije diploma, svjedodžbi, uvjerenja i drugih propisanih obrazovnih isprava (u daljem tekstu: obrazovna isprava), radi nastavka školovanja na Internacionalnom univerzitetu Travnik, u Travniku (u daljem tekstu: Univerzitet).

Član 2.

Potvrda i slične isprave o stečenom obrazovanju, odnosno o završenom razredu ne smatraju se propisanom obrazovnom ispravom iz člana 1. ovoga Pravilnika i kao takve ne mogu biti predmet nostrifikacije i ekvivalencije.

Član 3.

Obrazovne isprave iz člana 1. ovoga Pravilnika stečene prema nastavnom planu i programu koji se razlikuje od nastavnih planova i programa Kantona SBK/KSB, podliježu postupku nostrifikacije i ekvivalencije obrazovnih isprava, osim u slučajevima utvrđenim u članu 18. ovoga Pravilnika .

Član 4.

Obrazovnoj ispravi o završenom srednjem, višem i visokom obrazovanju te o magisteriju i doktoratu nauka, postupkom nostrifikacije priznaje se ista pravna snaga, odnosno jednaka važnost s odgovarajućom obrazovnom ispravom stečenom u obrazovnoj ustanovi u Kantonu, odnosno Bosni i Hercegovini.

Član 5.

Studenti koji prelaze na Univerzitet sa drugih škola, fakulteta, univerziteta ili visokoškolskih ustanova iz inostranstva, dužni su sprovesti proceduru nostrifikacije inostranih diploma. Ovi studenti mogu biti upisani na Univerzitet i polagati ispite u toku trajanja procedure nostrifikacije i ekvivalencije inostranih isprava uz adekvatnu potvrdu o trajanju postupka nostrifikacije izdatu od strane nadležne ustanove.

Ako student do kraja posljednjeg semestra upisanog ciklusa studija ne dostavi rješenje o nostrifikaciji, položeni ispiti će mu biti poništeni odlukom Senata.

Obrazovna isprava o završenom srednjem, višem i visokom obrazovanju, odnosno o završenim pojedinim razredima, semestrima i godinama toga obrazovanja ili položenim pojedinim ispitima, postupkom ekvivalencije izjednačava se s odgovarajućom obrazovnom ispravom na Univerzitetu radi nastavka obrazovanja, odnosno zaposlenja na Univerzitetu.

II. NAČIN, SUBJEKTI I ROKOVI PROVOĐENJA POSTUPKA

Član 6.

Postupak nostrifikacije i ekvivalencije obrazovnih isprava iz člana 1. ovoga zakona pokreće se podnošenjem pismenog zahtjeva kantonalmom Ministarstvu obrazovanja, nauke, kulture i sporta (u daljnjem tekstu: Ministarstvo).

Član 7.

Podnosilac zahtjeva, uz zahtjev za nostrifikaciju i ekvivalenciju obrazovne isprave, prilaže originalnu stečenu obrazovnu ispravu, duplikat isprave ili prijevod stečene obrazovne isprave na jedan od službenih jezika Kantona, koji je ovjerio ovlašteni sudski tumač.

Ministarstvo u postupku nostrifikacije i ekvivalencije može, ako to procijeni potrebnim, od podnosioca zahtjeva tražiti obrazovnu ispravu o prethodno završenom razredu, odnosno obrazovanju, a i druge relevantne dokaze važne za vođenje i okončanje postupka (rodni list, uvjerenje o državljanstvu i slično).

Podnosilac zahtjeva za nostrifikaciju i ekvivalenciju obrazovne isprave dužan je u svom zahtjevu navesti je li zahtjev za nostrifikaciju i ekvivalenciju te obrazovne isprave već podnosio nekom drugom organu.

Član 8.

Nostrifikaciju obrazovnih isprava o završenom srednjem obrazovanju te o oblicima stručnog osposobljavanja za određene poslove zanimanja, obavlja Ministarstvo.

Ekvivalenciju obrazovnih isprava o završenom srednjem obrazovanju, odnosno dijelovima toga obrazovanja, obavlja Ministarstvo.

Nostrifikaciju i ekvivalenciju obrazovnih isprava o završenom višem i visokom obrazovanju te o magisteriju i doktoratu nauka ili dijelovima toga obrazovanja, obavlja Ministarstvo uz obavezu pribavljanja mišljenja nadležnog Univerziteta.

Kada Univerzitet zaprimi od Ministarstva zahtjev za nostrifikaciju, na sjednici Senata se imenuje komisija u sastavu od najmanje tri člana iz reda nastavnog osoblja.

Komisija je dužna u roku od 30 dana od dana imenovanja komisije dati mišljenje i dostaviti ga Senatu na potvrđivanje.

Senat nakon razmatranja mišljenja Komisije isto dostavlja Ministarstvu.

Član 9.

U postupku nostrifikacije obrazovne isprave o završenom srednjem obrazovanju uzima se u obzir sistem obrazovanja države u kojoj je obrazovna isprava stečena, nastavni plan i program ustanove koja ju je izdala, trajanje obrazovanja i drugi uvjeti pod kojima je obrazovna isprava stečena, prava koja daje obrazovna isprava u državi u kojoj je stečena i druge činjenice značajne za nostrifikaciju obrazovne isprave.

Član 10.

Ako se u postupku nostrifikacije obrazovne isprave utvrdi da se uvjeti pod kojima je obrazovna isprava stečena znatno razlikuju od uvjeta utvrđenih za obrazovne ustanove u Kantonu, nostrifikacija stečene obrazovne isprave uvjetovat će se prethodnim polaganjem dopunskih (nostrifikacijskih) ispita, odnosno izradom dopunskih radova.

Dopunske ispite iz prethodnoga stava određuje Ministarstvo svojim rješenjem.

Član 11.

U postupku ekvivalencije obrazovnih isprava o završenom srednjem obrazovanju ili dijelovima toga obrazovanja uzima se u obzir nastavni plan i program obrazovne ustanove koja je izdala obrazovnu ispravu, trajanje obrazovanja i drugi uvjeti te prava koja daje ta obrazovna isprava u pogledu daljnjeg obrazovanja u obrazovnom sistemu Kantona.

Član 12.

Ako se u postupku ekvivalencije obrazovne isprave utvrdi da se uvjeti pod kojima je obrazovna isprava stečena znatno razlikuju od uvjeta utvrđenih za obrazovne ustanove u Kantonu, ekvivalencija stečene obrazovne isprave uvjetovat će se prethodnim polaganjem određenih dopunskih (ekvivalencijskih) ispita.

Dopunske (ekvivalencijske) ispite iz prethodnoga stava određuje Ministarstvo svojim rješenjem,

Član 13.

Postupak nostrifikacije i ekvivalencije obrazovne isprave okončat će se rješenjem o nostrifikaciji i ekvivalenciji obrazovne isprave kada podnosilac zahtjeva priloži Ministarstvu potvrdu obrazovne ustanove o položenim dopunskim ispitima iz članova 10. i 12. ovoga Pravilnika.

Član 14.

Ministarstvo je dužno okončati postupak nostrifikacije i ekvivalencije obrazovne isprave u roku od 60 dana od dana podnošenja zahtjeva za nostrifikaciju i ekvivalenciju obrazovne isprave,

Ako se postupak iz opravdanih razloga ne okonča u predviđenom roku a započne s radom akademska godina, podnositelju zahtjeva izdat će se potvrda za uvjetni upis, kao dokaz da je postupak nostrifikacije i ekvivalencije obrazovne isprave u toku.

Podnositelj zahtjeva je dužan Univerzitetu dostaviti dokaz o postupku nostrifikacije i ekvivalencije obrazovne isprave.

Član 15.

Ako se započeta akademska godina završi u propisanome roku, a ne bude okončan započeti postupak nostrifikacije i ekvivalencije obrazovne isprave, podnositelju zahtjeva može se izdati potvrda o postignutom uspjehu, radi upisa u viši razred odnosno stepen obrazovanja.

Član 16.

Potvrda iz člana 15. ovoga Pravilnika nema pravnu vrijednost propisane obrazovne isprave u Kantonu i služi samo kao pravni osnov za nastavak obrazovanja do okončanja započetog postupka nostrifikacije i ekvivalencije obrazovne isprave.

EVIDENCIJA NOSTRIFIKOVANI DOKUMENATA

Član 17.

Univerzitet je dužan voditi evidenciju i čuvati dokumentaciju o provedenim postupcima nostrifikacije i ekvivalencije obrazovnih isprava.

POSEBNE ODREDBE

Član 18.

Obrazovne isprave o završenom razredu odnosno obrazovanju stečene u obrazovnim ustanovama drugih kantona Federacije Bosne i Hercegovine i obrazovnim ustanovama Republike Srpske izjednačavaju se u pravnoj moći s odgovarajućim obrazovnim ispravama Kantona, odnosno ne podliježu postupku nostrifikacije i ekvivalencije obrazovnih isprava.

Prethodni stav odnosi se i na obrazovne isprave stečene do 30. septembra 1992. godine u obrazovnim ustanovama republika bivše Socijalističke Federativne Republike Jugoslavije.

Član 19.

Obrazovne ustanove na području Kantona ne mogu upisivati kandidate u viši razred, odnosno stepen obrazovanja na osnovu stečene obrazovne isprave koja podliježe postupku nostrifikacije i ekvivalencije obrazovnih isprava u skladu sa odredbama ovoga Pravilnika.

Na osnovu konačnog rješenja o nostrifikaciji i ekvivalenciji obrazovne isprave, Univerzitet će u matičnu knjigu upisati relevantne podatke o kandidatu.

STUPANJE NA SNAGU

Član 20.

Danom donošenja ovog Pravilnika prestaje da važi Pravilnik o nostrifikaciji diploma i ekvivalenciji javnih školskih isprava broj: 01-09-20/14 od 12.04.2014.godine.

Ovaj Pravilnik stupa na snagu danom donošenja.

Predsjedavajući Senata Univerziteta

Prof. dr Ibrahim Jusufrić

Broj: 01-09-20/15

Travnik, 06.01.2015.godine